

Anokii'wining Gikino'amagewin

O'omaa gikino'amawagan o'gashki'owin gaagii maaji'chigaadeg, Ontario aay skool gii'onji nangi bagidinigaadewan gikino'amagewinan ge'wiji'igowaaj gikino'amawaganag ga'minwendamowaj etodamowaa gaye ga'gichiinendamowaa. Ono gikino'amagewinan oga'miinigonawaa gikino'amawaganag ji'onendamowaa ge'izhi bimi gikino'amawindwaa ji'dodamowaa oshki gegonan gaye genoonji biijini gikendasowaa. Mii'ono ge'dagwakin gikino'amagewi wiji'iwewinan, bebakaan gikino'amagowinan ga'odapinigaadegin gaye anokiiwining gikino'amagewin.

Ono gikino'amagewinan oga'wiji'igonawaa onondesewiniwaa, gagichiinendamowaa gaye ganagajitowaa gakina gikino'amawaganag genooji bimi gikendamowaa gaye jibimi gwayaajiwaa ji'ani giizhitowaa gaye wedi baazhij.

Wegonen anokiiwining gikino'amagewin (Co-op)?

- Anokiiwining gikino'amagewin ogimawining gii onji onendagwan ji'dagonigadeg ji'odapinamowaa gikino'amawaganag bekish gaye ji'onji giizhitowaa gaa'bimi gikino'amawindwaa i'ima anokiiwigamigong. O'omaa gikino'amagewining oga onji bimi nanagaji'igowaan mayaa gabaminang o'owe gikino'amagewini, gaagii onendaagwakin i'ima ge' gikino'amagaaniwak gegonan, anokiiwining ji'dazhi gikino'amawindwaa.
- Gikino'amawaganag dagii moshkinebii'igewag niizhin gikino'amagewinan ga'andawendagwakin ji'odapinamowaa genonji giizhitowaa aay skool, gaye gawin dadibinamawaasiwag minigok ge'odapinamowaa anokiiwi gikino'amagewinan. Ono anokiiwi gikino'amagewinan onji onatamawawag gikino'amawaganag i'ima gikino'amagewining gaye jibiminizha'amowaa gikino'amagewi onakonigewini gaye biminizha'igewini.

Awenen o'owe ge'abajitooj?

- Anokiiwining gikino'amagewin damiinawag aay skool gikino'amawaganag gawi'ani odapinamowaa anokiiwi gikino'amagewining, college, university gemaa ga'wiitebinamowaa anokiiwin.

Mayaa ezhi wiji'iwemagakin anokiiwi gikino'amagewin

Gaa'gii odabinamowaa o'owe gikino'amagewin dagii onji izhiseni ji:

ontario.ca/EDUparents

- Bimi wawabanda'indwaa gegonan ganiizhi bimi gikino'amawindwaa
- Onji gagwejitowaa anokiiwi dodamowinan
- Onji wabandamowaa aaniin ezhi gitabadak biindig gabimi gikino'amaganiwak
- Debinamowaa gikino'amagewinan anokiiwi gikino'amagewining
- Ani gashki towaa inanokiiwi dodamowinan gaye godagiyan izhichigewinan ga'andawendagwakin anokiiwigamigong
- Anoonji gikendamowaa dinowi inanokiiwinan ge'onji wiji'igowaaj ji'ozhibii'amowaa odanokiiwi dibajimidizowiniwaa megwaa aay skool gikino'amagoziwaa gaye wedi niigaan ani nanaandawanokiiwaa.

Aandi anokiiwi gikino'amagewinan ezhi bagidinigaadegin? Aandi geyabi gegii onji gikendamaan?

- Gakina Ontario gikino'amagewi abitamageg obagidinanawaa anokiiwining gikino'amagewinan. Geyaabi wiikikendaman ganoozh gikino'amagewigimaa gemaa gikino'amawagan ogashki'owin ga'baminang gikino'amadiiwigamigong. Geyaabi gaa'izhi wawiinjigadegin ono anokiiwining gikino'amagewining gagiimikaan mamakaadabikong o'omaa: www.ontario.ca/studentssuccess.